

201
AAlisher Navoiy
nomidagi
O'zbekiston MK

5,16, 34, 35

1-38 1-1X
2019

Tong yulduzi

Vatan yagonadir,
Vatan bittadir!

N:1 (67218)
2019-yil 7-yanvar

www.tongyulduzi.uz

Gazeta 1929-yil 1-avgustdan chiqib boshlagan

O'zbekiston Respublikasi bolalar va o'smirlar gazetasi

ISSN - 2010-6092

VAQTINGIZNI «TONG YULDUZI» BILAN MAROQLI O'TKAZING

Aziz o'quvchilar!
«Tong yulduzi»ning
qadrli muxlislari!
Mana, 2018-yil
bilan xayrlashib,
2019-yilni yaxshi
kayfiyat ila
kutib oldik. Ayni
kunlarda ortda
qolgan yilimizni
sarhisob qilib, yangi
yilga yangi-yangi
rejalar tuzayapmiz.
Bejizga, yil boshi
- yo'l boshi,
demaymiz-da.

(Davomi **2**-betda)



«MAKTAB RADIOSIDAN GAPIRAMIZ...»



Biz «Tong yulduzi» gazetasini maroq bilan mutolaa qilamiz. Ayniqsa, undagi she'r va hikoyalarni yod olib, maktabimizdagi tadbirlarda foydalanamiz.

Maktabimiz Xovos tumanining chekka qishloqlaridan birida joylashgan bo'lsa-da, «Tong yulduzi» sabab respublikadagi barcha yangiliklardan boxabarmiz. Shu bois, gazetaning barcha sonini kutubxonamizda saqlab kelimiz.

Maktabimiz radiosida o'quvchilar o'z ijod namunalari, gazetadagi yangiliklar bilan faol chiqishlar uyushtiradi. Fursatdan foydalanib, o'quvchi hamda o'qituvchilarga zavq-u shavq ulashib kelayotgan «Tong yulduzi»ning jonkuyar xodimlariga cheksiz minnatdorlik bildiramiz. Sizlarga 7-sinf o'quvchisi O'lmasoy Qodirqulovaning ijod namunasi yuboryapman.

QUYOSH KULIB BOQADI

Vatanimiz durdona,
U olamda yagona.
Quyosh kulib boqadi,
Tinchlik elga yoqadi.

Oftobdandir mevasi,
Mehnatsevar bolasi.
Vatan bizga bir ona,
O'zbekiston - yagona.

Gulchehra O'RAZOVA,
Sirdaryo viloyati, Xovos tumanidagi 2-umumta'lim
maktabining ona tili va adabiyot fani o'qituvchisi

VAQTINGIZNI «TONG YULDUZI» BILAN MAROQLI O'TKAZING

(Davomi. Boshi 1-betda)

Xabaringiz bor, 2018-yilning 28-dekabr kuni O'zbekiston Prezidenti Shavkat Mirziyoyev Oliy Majlisga qilgan Murojaatnomasida kirib kelgan yangi – 2019-yilga «Faol investitsiyalar va ijtimoiy rivojlanish yili» deb nom berishni taklif etdi. Yilning nomlanishidan ham bilish mumkinki, xalqimizning turmush darajasini yuksaltirish, farovonligini oshirish borasidagi sa'y-harakatlar bundan buyon ham izchil davom ettiriladi. Yurtimizga faol investitsiyalarni jalb qilish borasidagi ishlar zahirida ham inson omili, uning ijtimoiy muhofazasi yotadi. Shuningdek, siz aziz yoshlar uchun ham imkoniyatlar eshigi yanada kengroq ochilmoqda. Jumladan, Murojaatnomada 2019-yildan yoshlarga bir vaqtning o'zida bir nechta oliy o'quv yurtiga hujjat topshirish imkoniyati berilishi, oliy ta'lim muassasalarida real imkoniyatlardan kelib chiqqan holda, qabul kvotalarini mustaqil belgilash tizimi joriy etilishi hamda bakalavriat yo'nalishida tahsil olayotgan talabalarga xorijda o'qishni davom ettirish imkoniyatlarini yanada kengaytirilishi fikrimizning dalili bo'la oladi.

Bunday g'amxo'rlikdan unumli foydalanib, o'z bilim, salohiyati bilan oliy o'quv yurti talabasi bo'lish uchun esa siz aziz o'quvchilardan maktab partasidanoq a'lo baholarga o'qish, xorijiy tillarni puxta o'rganish, yurtimizda bo'layotgan yangiliklardan xabardor bo'lish, kitobxonlikka yo'l ochuvchi gazetajurnallarni muntazam kuzatib borish talab etiladi.

«YILNING ENG YAXSHI «KAMALAK» SARDORI»

Tarixga aylangan 2018-yilda o'quvchi-yoshlarimiz erishgan yutuqlarni bugun sanab sanog'iga yetib bo'lmaydi. Ayniqsa, yil so'ngida «O'zbekiston yoshlar ittifoqi mukofoti» tanlovida g'olib bo'lgan tengdoshlaringizga havas qilganingiz aniq.



muvaffaqiyatli ishtirok etgan.

Aziz o'quvchim! Yil avvalida siz ham katta rejalar tuzing va ezgu maqsadlar sari olg'a intiling! Ajab emas, boshlangan yil siz uchun ham omadli va muvaffaqiyatli kelib, siz ham faxrli qahramonimizga aylansangiz!

Sayyora QODIROVA

«Yosh kitobxon» – 2018» kitobxonlar bellashuvini «Yoshlar» telekanali orqali kuzatib boringiz. Tanlovning 10–14 yoshlilar o'rtasida bo'lib o'tgan bosqichida Samarqand viloyati, Paxtachi tumanidagi 24-umumta'lim maktabining 8-sinf o'quvchisi Mahliya O'roqova 1- o'rinni egalladi va Prezident sovg'asi – «Spark» avtomobilini o'lga kiritdi. Mahliya bilan bo'lgan suhbatdan ma'lum bo'ldiki, ularning oilasi davrasida har kuni gazetaxonlik, kitobxonlik haqida so'z borar ekan. Mazkur tanlovning 20–30 yoshlilar o'rtasida o'tkazilgan bosqichida esa «Tong yulduzi» gazetasining faol muxbirlaridan biri Dilnavoz Najimova 2-o'rinni egalladi. Dilnavoz opangizning ilk maqolasi «Tong yulduzi» gazetasida 2010-yilda, ya'ni 5-sinfda o'qiyotganimizda g'olib bo'ldi va 2017-yilda eng yuqori – 236 ball to'plab, Davlat granti asosida Alisher Navoiy nomidagi O'zbek tili va adabiyoti universitetiga o'qishga qabul qilindi. Yana bir gazetxon o'quvchimiz qoraqalpog'istonlik Ayjamal Karamatdinova ham maktabda o'qib yurgan paytlarida «Tong yulduzi» bilan do'stlashdi va gazetada e'lon qilingan tanlovlarimizda g'olib bo'ldi. Quvonarlisi, Ayjamal 2017-yilda muhtaram Prezidentimiz qo'lidan Zulfiya nomidagi davlat mukofotini qabul qilib oldi. Bu kabi misollarni yana ko'plab keltirishimiz mumkin. Demoqchimizki, yutuqlar, muvaffaqiyatlar o'z-o'zidan kelmaydi, yillar davomida misqolab yig'iladi, salmoqli natijalarga aylanadi.

Bugungi gazetxonlarimiz orasida ham iqtidorli, izlanuvchan o'quvchilarning juda ko'p. Ularning ham ismlari kelgusida faxr bilan tilga olinishiga ishonamiz.



Shuni

mamnuniyat bilan ta'kidlash o'rinishi, o'tgan 2018-yilimiz «Tong yulduzi» gazetasi uchun omadli, quvonchli, yangi-yangi loyihalar, tadbirlarga boy yil bo'ldi. Buni ko'pchilik gazetxonlarimiz yaxshi bilsa-da, safimizga yangi qo'shilgan aziz o'quvchilarimizga yana bir bor eslatib o'tishni joiz topdik.

Jumladan, «Tong yulduzi» gazetasining internetdagi rasmiy sayti – www.tongyulduzi.uz butkul yangicha dizaynda ish boshladi. Telegram ijtimoiy tarmog'ida «Tong yulduzi»ning t.me/tongyulduz rasmiy kanali ochildi. Uning o'quvchilari soni kundan kunga ortib borayotgani bizni nihoyatda quvontirmoqda. Bu kanal orqali ota-onalar, aka-opalar yordamida o'quvchilarimiz bilan yaqindan muloqot qilish imkoniga ega bo'ldik.

Shuningdek, yoshlarimizni tejamkorlikka, ya'ni iqtisodiy boyligimiz bo'lgan elektr energiyasi, ichimlik suvi, tabiiy gazimizni behuda isrof qilmaslik, uni me'yorida sarflashga o'rgatish maqsadida «Tong yulduzi»da e'lon qilingan «Boyligni bolalikdan asrang» respublika rasmlar va insholar tanlovi hamda yoshlar o'rtasida mutolaa madaniyatini oshirishga qaratilgan «Kim ko'p kitob o'qiydi?» tanlovi har yili yangi-yangi iste'dodlarni kashf etishga xizmat qilmoqda. Quvonarlisi, 2018-yilda ushbu tanlovlar g'oliblarini o'zlari tahsil olayotgan maktablarda taqdirlashni yo'lga qo'ydik. Taqdirlash marosimiga qo'shni maktablardan ham ustozlar, o'quvchilar taklif etildi. G'oliblarga faxriy yorliq va kitoblar, ularning ustozlariga esa «Tong yulduzi»ning tashakkurnomasi hamda kitoblar sovg'a qilindi.

2019-yilda ham bu tanlovlarimiz davom etadi. Shuningdek, yangi loyihalar borasida ham izlanmoqdamiz.



Feruz SOYIBJON qizi

Gazetamizning o'tgan 2018-yildagi 46-sonida berilgan «Vaqtningizni biz bilan maroqli o'tkazing!» nomli materialimizda 2019-yilgi obuna mavsumida faol qatnashib, «Eng faol sinf», «Eng faol maktab» nomini olgan sinf va maktab tahririyatimiz tomonidan rag'batlantirilishi aytilgan edi. Kuni kecha g'olib sinflar-u maktablar aniqlandi. Bu mavzuga gazetamizning keyingi sonlarida yana qaytamiz.

2019-yil uchun «Tong yulduzi»ga obuna bo'lishga, tanlovimizda qatnashishga ulgurmagani o'quvchilar, aslo xafa bo'lmang, bu imkoniyat sizga yil davomida beriladi. Buning uchun har bir sinf va maktab obuna varaqasi nusxasini pochta orqali yoki elektron manzillimizga yuborishlari kerak bo'ladi, xolos.

Siz ham izlanuvchan, barkamol o'g'il-qizlar qatorida bo'lishni istaysizmi, unday bo'lsa, «Tong yulduzi» gazetasi obuna bo'lishga shoshiling! Fursatni qo'ldan boy bermay, g'oliblar safidan joy oling! 2019-yilda «Tong yulduzi» bilan vaqtningizni maroqli va mazmunli o'tkazing. Yangi yil barchamizga muborak bo'lsin!

ORZULAR USHALGAN KUN

...Yangi yil. Ezgu orzular bayrami. Jajji bolajonlar qalbi quvonch va shodlikka to'la. Rang-barang chiroqlar, chiroyli o'yinchoqlar bilan bezatilgan baland archa atrofida Qorbobo va Qorqiz, turli ertak qahramonlari bolajonlarni o'yinga chorlaydi. Qorbobodan olingan bayram sovg'alari sabab, sho'x va quvnoq bolajonlarning beg'ubor ko'zlari sevinchdan porlaydi. Barcha bir-biriga ezgu tilaklar ilinadi.

Poytaxtimizdagi «Turkiston» saroyida bo'lib o'tgan «Prezident archasi» bayram tantanalari ana shunday unutilmas taassurotlarga boy bo'ldi. O'zbekiston Respublikasi Xalq ta'limi vazirligi, «Sen yolg'iz emassan» Respublika jamoatchilik bolalar jamg'armasi va boshqa qator tashkilotlar bilan hamkorlikda o'tkazilgan ushbu tadbirda Mehribonlik uyi tarbiyalanuvchilari, kam ta'minlangan, ijtimoiy himoyaga muhtoj oilalar hamda Vatanimiz tinchligi va xavfsizligi yo'lida qurbon bo'lgan ichki ishlar xodimlari va harbiy xizmatchilarning farzandlari ishtirok etdi.



– Har yili «Prezident archasi»ni intiqlik bilan kutaman, – deydi Toshkent viloyati, Parkent tumanidagi 27-umumta'lim maktabi o'quvchisi Samandar To'xtamurodov. – Shu kuni archa atrofida Qorbobo va Qorqiz bilan raqsga tushib, zavqlanamiz. Ayniqsa, Yangi yil sovg'alarini juda-juda yaxshi ko'raman. Kelajakda harbiy bo'lib, ona Vatanimni yovlardan himoya qilaman.



Shu kuni turli bolalar ijodiy studiyalari kichkintoylari bayramga yig'ilgan tengdoshlariga «Orzu qil!» nomli maxsus teatrlashtirilgan bayram dasturini namoyish etib berdi. Yosh iqtidor egalari ijrosida rang-barang kuy-qo'shiqlar, she'rlar yangradi. Elimiz sevgan xonandalarning diltortar qo'shiqlari, sirk ustalarining ajoyib chiqishlari esa jajji bolakaylar qalbiga yanada quvonch va zavq ulashdi. Shuningdek, turli ertak qahramonlarining sarguzashtlarga boy sahna ko'rinishlari yosh tomoshabinlarga unutilmas onlarni hadya etdi. Eng esda qolarlisi, shu kuni kichkintoylarga Prezident sovg'alari ulashildi.

– Bugungi bayramdan olam-olam taassurot oldim, – deydi poytaxtimizning Uchtepa tumanidagi 107-umumta'lim maktabining 4-«L» sinf o'quvchisi Madina Ravshanbekova. – Ayniqsa, menga ertak qahramonlarining g'ayroyib sahna ko'rinishlari rosa yoqdi. Qishki ta'til yakunlangach, maktabdagi dugonalaringa bu haqda, albatta, so'zlab beraman.

Ayni paytda «Prezident archasi» tadbirlari mamlakatimizning barcha hududida ko'tarinkilik bilan o'tkazilmoqda.

Sa'dullo TURSUNOV



– Bolajonlar, qani ayting-chi, Yangi yil shodiyonalaridan so'ng qaysi bayramni nishonlaymiz?

O'qituvchining bu savoliga o'quvchilar bir ovozdand: «Vatan himoyachilari kuni»ni, deya javob berdi. «Barakalla, bu bayram, ayniqsa, o'g'il bolalar uchun juda qadrlil, shunday emasmi?! Axir ular bo'lajak harbiylar, bizning himoyachilarimiz-da. Shu kun munosabati bilan bugun shahrimiz bo'ylab sayohatga chiqamiz!»

«Harbiy vatanparvarlik oyiligi» doirasida o'tkazilayotgan navbatdagi tadbiri e'lon qilgan sinf rahbari Nilufar To'xtayevaning bu yangiligi Navoiy shahridagi 16-DIUMning 5-«B» sinfida tahsil olayotgan o'quvchilarga juda ma'qul bo'ldi.

– Men ushbu sayohat davomida harbiylar haqida ko'plab ma'lumotlarga ega bo'ldim. Askar bo'lish uchun inson jismonan chiniquqan, mard va jasur bo'lmog'i kerak. Menimcha, sinfimzdagi har bir o'g'il bola bu sayohatdan keyin harbiy bo'lishga ahd qildi, – dedi 5-«B» sinf o'quvchisi Sanjar Toshtemirov.

– Men jangovar qurollarni tomosha qilganimda, bu texnikadan foydalanish uchun katta kuch kerakligini tushunib yetdim. Chunki harbiy qurollar juda og'ir ekan. Ularni ishga tushirish esa o'ziga yarasha murakkab. Men kelajakda harbiy bo'lishni dilimga tugib qo'ydim. Buning uchun esa hozirdanoq jismonan chiniquqib, barcha fanlarni a'lo baholarga o'zlashtiraman, – dedi Sanjarning sinfdoshi

Asad Mansurov.
Harbiylarning bir safda shaxdam qadam tashlab, zamonaviy texnikalarni mohirona boshqarishi har bir o'g'il bolaning havasini orttiradi. Bugungi o'g'il bolalar Vatanimizning ertangi posbonlaridir. Biz ham o'z navbatida, yurtimiz posbonlarini yaqinlashib kelayotgan «Vatan himoyachilari kuni» bilan muborakbod etamiz.



TA'TILDAGI REJALARIM

Yangi yil ayyomidan so'ng bolajonlar miriqib hordiq chiqarishni xush ko'radi, albatta. Ayrinlar oynayi jahon qarshisida bayram tantanalarini tomosha qilishni yoqtirsa, ba'zilar dam olish maskanlarida uyushtirilayotgan tadbirlar sari oshiqadi.

Navoiy shahridagi 16-DIUMning 6-«J» sinf o'quvchilari o'rtasida «Ta'tildagi rejalarim» insholar tanlovi e'lon qilindi. Bolalar o'z insholarida qishki ta'tilni qanday o'tkazishlari haqida bir-birlari bilan fikr almashdilar. Tanlovda Jasmina Nurmatova, Mehriniso Tuqsonova faol qatnashishdi. Endi ta'tildan so'ng ular hordiq taassurotlari haqida miriqib suhbatlashadilar.

Ozoda TURSUNBOYEVA

OCHIQ DARS

Men yil davomida «Tong yulduzi»ning har bir sonini sevib o'qidim. Yangi - 2019-yil uchun gazetaga sinfimiz bilan obuna bo'ldik.



Yaqinda alifbe fanidan ochiq dars bo'ldi. Unda Z tovuhi va harfi haqida tushunchaga ega bo'ldik. Darsda ota-onalar, ustozlar qatnashdi. Tadbirda «Tez top!», «So'z tuz», «Qarsak chaldi», «Ortiqchasini top» kabi o'yinlar o'ynadik. Ochiq dars oxirida eng faol o'quvchiga esdalik sovg'alari berildi.

Gulhayo SHUHRATOVA,

Xorazm viloyati, Yangiariq tumanidagi 19-umumta'lim maktabining 1-«A» sinf o'quvchisi

USTOZ IS'HOQXON IBRAT MUZEYIDA

Namangan

viloyati, To'raqo'rg'on tumani,

To'raqo'rg'on ko'chasidagi katta maydonda tarixiy bir maskan bor. Ushbu qutlug' go'shadan har kuni odamlarning oyog'i uzilmaydi. Bu o'z davrining yetuk allomalaridan biri, butun hayotini odamlarga ilm-ma'rifat tarqatish, ayniqsa, yoshlarni savodli, bilimli, tarbiyali qilishga baxshida etgan Is'hoqxon Ibrat muzeyidir.

direktori Dilshod Mirzaaliyev. – Biz qatag'on davrining qurboni bo'lgan ustozning muzeyini tashkil qilish maqsadida astoydil

qarindoshlaridan u kishiga tegishli bo'lgan 100 dan ziyod ashyolar, muhim hujjatlarni yig'dik. Mehnatlarimiz zoye ketmadi, ko'rib turganingizdek, ustozning hayoti va ijodini aks ettiradigan eksponat, ashyolar, muhim hujjatlar, yozib qoldirgan kitoblaridan nusxalar jamlandi.

Markaz direktorining

aytishicha, Is'hoqxon Ibrat muzeyi bilan tanishish uchun har kuni bog'cha, maktab, litsey, kasb-hunar kollejlari va oliy o'quv yurtlaridan ko'plab yoshlar kelishadi. Bu yerdagi eksponat va ma'lumotlar bilan tanishib, katta taassurotlar olib qaytishadi. Muzeyga nafaqat respublikamiz, balki qo'shni davlatlardan ham sayyohlar tez-tez kelishadi. E'tiborlisi, shu yilning o'zida markazga Is'hoqxon domlaning hayoti va ijodiga qiziquvchi 60 mingdan ko'proq sayyoh, o'quvchi, talaba va turli kasb egalari tashrif buyurdi.

Yusufjon
HAMDAMOV

Sharqona uslubda qurilgan binoga kirar ekanmiz, bunda siri bir sokinlik hukm suradi. Muzey uchun ajratilgan birinchi xonada Is'hoqxon Ibratning kiyimlari, uy ashyolari, ijod qilishda ishlatilgan o'quv qurollari, patefon o'rin olgan bo'lsa, boshqa xonada ustozning qo'lyozma va bosilib chiqqan kitoblaridan namunalar, Markaziy Osiyoda birinchi bo'lib tashkil qilgan bosmaxonasi surati qo'yilgan. Yana boshqa xonadan esa ularning o'zlari, oila a'zolari,

yaqin qarindoshlarining fotosuratlari, zamondoshlarining allo-ma haqidagi xotiralari joy olgan.

– Xabar-ingiz bor, buyuk ma'rifatparvar yurtdoshimiz Is'hoqxon Ibrat muzeyi 2018-yilning 5-may kuni ochilgan,– deydi muzey

harakat qilib, keksa avlod vakillari va Ibrat domlaning



TAFAKKUR XAZINASINING KALITI

Maktab faollar zalida navbatdagi qiziqarli tadbir sahna ko'rinishi bilan boshlandi. Rol ijro etayotgan bolalardan biri kitob, ikkinchisi esa uyali telefon tutgan.

– Voy, – dedi to'satdan ikkinchi bola, – telefonda bir nima o'qiyotgandim, quvvati tugab qoldi. Eh, eng qiziq joyiga kelgandim-a!

– Oshna, shu telefonda kitob o'qish odatini tashlagin. Chunki telefonga doim pul to'laysan, o'chib qolsa, o'qiyotgan narsangni oxiriga yetkaza olmayсан. Kitob esa doim yoningda bo'ladi, quvvati ham tugamaydi. Aksincha, u bizga ma'naviy ozuqa beradi. O'qib bo'lgach, boshqa o'rtog'larimga ham berib turishing mumkin. Men hozir Feruza Adilovaning «Uyimizning devori» nomli hikoyalar to'plamini mutolaa qilyapman. Bu kitobni dadajonim sovg'a qilganlar. Iltisang, senga ham berib turishim mumkin. Ustozimning aytishicha, bu to'plamning qayta nashri ekan. Bugun maktabimizda ana shu kitob muallifi bilan ijodiy uchrashuv bo'larkan. Yur,

tadbirda biz ham ishtirok etamiz. Ikki do'st shunday deb sahnadan chiqib ketishdi...

Poytaxtimizning Yunusobod tumanidagi 274-umumta'lim maktabida «Tafakkur xazinasining kaliti» mavzusida bo'lib o'tgan tadbirda namoyish etilgan ushbu sahna ko'rinishi barchani mushohadaga chortladi. 4-«E» sinf rahbari, ustoz Muqaddas opa Abdullayeva yig'ilganlarni ijodiy uchrashuv mehmonlari bilan tanishtirgach, Omina Ahrorova, Mubina Ravshanova, Shahzoda Rizayeva, Umarbek Abdurahmonov, Miraziz Odiljonov, Odina Ergasheva kabi o'quvchilar kitob va mutolaaning inson hayotida tutgan o'rni haqida donolarning fikrlarini aytib berdi. So'ng, 4-«A» sinf o'quvchilari kitob haqidagi she'rnlarni ifodali o'qidi, 4-«B» va 4-«E» sinf bolalari esa qo'shiq va



raqslar ijro etdi.

Shundan keyin so'z navbati «Uyimizning devori» kitobi muallifiga berildi. Adiba o'quvchilik yillari, ustozlarni hurmat qilib, a'lo baholarga o'qigan damlarini shirin xotiralar bilan eshladi. So'ng, 4-«E», 4-«D» sinf o'quvchilari «Uyimizning devori» kitobidan joy olgan bir necha hikoyalar asosida sahna ko'rinishlari namoyish etdi. Kitobdagi sodda va ravon tilda yozilgan hayotiy hikoyalardan bolajonlar o'zlari uchun tegishli xulosalar chiqardi.

– «Tong yulduzi» gazetasini maroq bilan o'qiyman, – deydi 4-«B» sinf o'quvchisi Mohinur Vosiljonova. – Kelajakda jurnalist bo'lmoqchiman, buning uchun esa ko'p kitob mutolaa qilishim kerak. Shu bois, kitobga bag'ishlangan turli tanlovlarda faol ishtirok etyapman.

Shu o'rinda bir gap. Tahririyat xodimlari orasida ushbu maktabda o'tkaziladigan tadbirda ishtirok etuvchilar darrov topiladi. Nega, deysizmi? Chunki ushbu ta'lim muassasasidagi har bir kecha mazmunli tashkil etiladi. O'zingiz uchun ma'naviy ozuqa olasiz. Fursatdan foydalanib, «Tafakkur xazinasining kaliti» deb nomlangan tadbirni tashkillashtirgan maktab rahbari Sayfullo Mahkamov, ustozlar – Dilobar Xo'jayeva, Marg'uba Qambarova, Zebo Hakimova, Muqaddas Abdullayevalarga o'z minnatdorligimni bildiramiz. Ishonamizki, kirib kelgan yangi – 2019-yilda ham «Tong yulduzi» gazetasi yurtimizning ilgga chanqog' o'quvchilari, fidoyi ustozlarining eng yaqin sirdoshiga aylanadi.

Nodira NAZAROVA



YANGI YILDA KASHFIYOTLAR

O'zbekiston Respublikasi Xalq ta'limi vazirligi tasarrufidagi «Barkamol avlod» respublika bolalar markazida bir nechta tashkilotlar hamkorligida «Xonada uchuvchi samolyot» musobaqasining respublika bosqichi bo'lib o'tdi. Unda ishtirokchilar samolyot modellarining F-1-L, F-1-M, F-1-E yo'nalishlari bo'yicha o'zaro bellashdilar.

O'quvchilar o'z yo'nalishlari bo'yicha yasagan modellarini uchririshdi va ularning ishlanmalari hakamlar hay'ati tomonidan baholandi.

– Mashg'ulot davrida ustozim Shahboz Bafoyevdan do'stim Temurbek Nusratov bilan ko'p narsalarni o'rgandik. Bugun musobaqada yurtimizning barcha viloyatlaridan kelgan tengdoshlarimiz o'zlarini yasagan modellar bilan qatnashdi. Men F-1-M yo'nalishida 2-o'rinni egalladim. Maqsadim, yangi yilda yangi kashfiyotlar yaratib, ota-onam va ustozlarimni xushnud qilmoqchiman, – deydi Buxoro viloyati, G'ijduvon tumanidagi 57-umumta'lim maktabining 10-sinf o'quvchisi Ravshan Nurmurodov.



– Aviamodel to'garagida yig'itlar avia-raketa, robototexnika va avtomobilsozlik sanoatini o'rganishga, yangidan yangi modellar yaratishga qiziqadi. Quvonarlisi, bu gal musobaqada ilk marotaba qiz bola shogirdim ishtirok etdi.

Gulshoda bellashuvda o'zining penoplastdan yasagan modeli bilan qatnashdi, – deydi Namangan tumanidagi «Barkamol avlod» texnik ijodiyot markazi aviamodel to'garagi rahbari Ahmadjon Jo'rayev.

– Bir necha yildirki, aviamodel to'garagiga qatnayman. Vaqtimni bekorchi ishlarga emas, foydali mashg'ulotlarga sarflayotganimdan juda xursandman, – deydi Namangan shahridagi 31-umumta'lim maktabining 4-«V» sinf o'quvchisi Gulshoda Tursunaliyeva.

Musobaqada g'olib deb topilgan ishtirokchilarga Respublika tashkiliy qo'mitasi tomonidan maxsus diplom va esdalik sovg'alar topshirildi.

Nigora ABDUNAZAROVA

Qobiliyat barvaqtroq bilinadi, ammo u uquvga aylanishi zarur.

I. GYOTE

Amirxon qishki ta'til kunlarida Yangi yil va «Savodxonlik» bayrami munosabati bilan sovg'a qilingan kitoblarni mazza qilib o'qib chiqmoqchi. Qizig'i, bolakay hali ham qo'shaloq bayram taassurotlarini unuta olgani yo'q. O'ziyam o'sha kuni jonajon maktabida zo'r bayram bo'ldi-da!

QO'SHALOQ BAYRAM SOVG'ASI

Qahramonimiz tahsil olayotgan poytaxtimizning Mirobod tumanidagi 175-umumta'lim maktabining 1-«G» sinf rahbari Gulnora opa Xudoyberdiyeva ajoyib tadbir tashkil etgan edi. Unda o'quvchilar ustozlaridan olgan

deya va'da berdi. Shundan keyin ustoz o'quvchilar va ota-onalarga sinfning a'lochi o'quvchisi Osiyo Nazarmuhammedovanning maktabda o'tkazilgan «Biz – jaholatga qarshimiz» nomli rasmlar tanlovida muvaffaqiyatli ishtirok etgani haqidagi quvonchli xabarini yetkazdi.



Qizaloqqa maqtoz yorlig'ini bayramga tashrif buyurgan Qorbobo tantanali tarzda topshirdi. Saxiy bobo barcha o'quvchilarga sovg'a va «Sinfdan tashqari o'qish» kitobini ulashar ekan,

bilimlarini yig'ilganlarga namoyish etib, «Alifbe» kitobi bilan «xayrlashdi».

Dastlab, bolajonlar «Alifbejon, kelaqol, olqishlaymiz, quloq sol!» deya sevimli kitoblarini davraga chorladi. So'ng, jajji o'quvchilar qadrdon kitobiga minnatdorlik bildirib:

– Ey, kitoblar, oftoblar,
Sizni toza saqlaymiz.
A'lo o'qib hamisha,
Va'damizni oqlaymiz...

qahramonimiz Amirxon Shavkatov sinfdoshlari nomidan ularga cheksiz minnatdorlik bildirdi. So'ng, mehmonga o'zi yaxshi ko'radigan she'rini aytib berdi.

She'rxonlik va kuy-qo'shiqlarga boy bo'lgan ushbu maroqli tadbir kichkintoylar xotirasida hali uzoq vaqt saqlanib qolsa, ajab emas.

Sayyora QODIROVA

Lesson 1

HAPPY VOCABULARY

– Do you like to read newspaper?
– Gazeta o'qishni yaxshi ko'rasizmi?

– I look through newspaper every Monday – Men har dushanba gazetani kuzatib boraman.

– Do you sell newspaper? – Siz gazeta sotasizmi?

– Can you give me today's issue of «Tong yulduzi»? – Menga «Tong yulduzi» gazetasining bugungi sonini bera olasizmi?

– Newspaper for teenagers – O'smirlar uchun gazeta.

– What is the monthly subscription fee? – Gazetaning oylik obunasi qancha?



WRITING TASK

There is given short story about newspaper read and continue the text.

Nowadays people learn about events from TV, radio, or from the internet. But I can not imagine my life without newspaper. Some newspapers published for teenagers. I regularly read newspaper. One of them is «Tong yulduzi». I read all the articles with interest. I think most articles are well written. In English page there are a lot of fascinating exercises. In the 6 page we read interesting history and poems... (Continue the text)

Those words help you to continue the text.

I like to read articles about sport.

I send my own articles to newspaper from internet.

Usually we follow sport news from the newspaper with my friends.

People read the newspaper to follow news and events.

Ma'mura G'ULOMOVA

WEATHER IDIOMS

Dear my smart friends translate these idioms and put the right definition and equivalent. Let's go!

Raining cats and dogs –
Face like thunder –
Lightening fast –
Storm in a teacup –
Snowed under –
Chase rainbows –
Head in the clouds –
Under the weather –

Having too much to do.
Try to achieve the impossible.
Being very fast.
Raining very heavily.
Being very angry or upset.
Exaggerate a problem.
Have unrealistic or impractical ideas.
Feeling unwell, sad or lacking energy.

Dinora ABDULLAJONOVA

WHAT IS IT?



Name a fruit and vegetable beginning with «A»
Name an animal and furniture beginning with «A»
Name a fruit and furniture beginning with «Ch»
Name an insect and animal beginning with «S»
Name a colour and bird beginning with «O»

Painter: Sumbula MELIMURODOVA



Gulchehra UBAYDULLAYEVA

XUDOYBERDI BOBONING ERTAKLARI YAXSHILIKKA YETAKLAYDI

**Odamlar, ho odamlar,
Bog'da bitgan bodomlari
Eshitmadim, demanglar,
Eshitganlar jilmanglar...**

O'zbekning Hoshimjon, Akromjon, Orifjon, Zafarjonlarini «Sariq devni minib», «Besh bolali yigitcha», «Shirin qovunlar mamlakati», «Mungli ko'zlar» kabi o'nlab asarlari orqali butun dunyoga tanigan Xudoyberdi To'xtaboyev Siz bolalarga atab 42 ta ertak yozibdi. Bu ertaklarning dovrug'i allaqachon yurtimiz bo'ylab taralibdi. Ustoz adib ularning hammasini yig'ib, «Donishmand bobo ertaklari» nomi bilan Siz aziz bolajonlarga sovg'a qilishga shoshilibdi. Shunday ekan, Sizlar ham shoshiling! Chunki Xudoyberdi bobo ertaklari barchangizni ezgulikka, yaxshilikka yetaklaydi. Bu ertaklarni qancha erta o'qisangiz, bobomiz sizga shuncha yaqin bo'ladi. Qolaversa, milliy qadriyatlarimiz bilan yaqindan tanishasiz, yaxshilik sari intilasiz.

Haqiqiy yozuvchining hayoti uning xalqi taqdiri bilan chambarchas bog'liq bo'ladi. Xudoyberdi To'xtaboyev tug'ilibdi, ona Vatanimizdagi muhim tarixiy voqealarga bevosita guvoh bo'lgan. Yurtning tashvishli kunlarini ham, quvonchli yillarini ham o'z boshidan kechirgan. Bugun atoqli yozuvchimiz farzandlari, nabiralari, evaralari davrasida keksalik gashini surib yashamoqda. Ammo bolalik yillarida buvijonining unga aytib bergan ertaklarini so'zmaso'z yodida saqlamoqda. Ularning

ayrimlarini «Yosh do'stlarim bahramand bo'lsin» deya yaqinda yozib tugatgan «Donishmand bobo ertaklari» kitobiga ham kiritgan. Jumladan, «Chigit oppoq paxta bo'lgani» ertagini adib buvisidan eshitganiga salkam 80 yil bo'lmoqda.

Yozuvchi o'z ertaklarida bolalarga nasihat qilib, ularda eng oliy xislatlarni tarbiyalashga harakat qiladi. Bu fazilatlarining eng asosiysi - YAXSHILIK.

Xo'sh, yaxshilikning o'zi nima? Yaxshilik deganda nimani tushunish kerak? Yaxshilik, avvalo, biror odamga yomonlik qilmaslik, nochor, qiyin ahvolda qolgan insonga yordam qo'lini cho'zish, uni mushkulotdan xalos etishdir.

Shuningdek, yaxshilik rost gapirish, birovning haqiga xiyonat qilmaslik, xalqi, Vatani, oilasi, atrofidagi do'stlari, sinfdoshlarini sevish ham demakdir. Aslini olganda, birovning yaxshiligini unutmashlik ham yaxshilik hisoblanadi. Mana, o'zingiz «Yaxshilik ketidan yaxshilik kelar», degan ertakni o'qib ko'ring. Shunda bunga amin bo'lasiz.

Unda vafot etgan onasining mozoridan necha yillar xabar olmagan vijdotsiz o'g'il mozor tepasiga kelib hayron bo'ladi. Chunki qabr xuddi hozirgina ziyorat qilingandek, atrofi top-toza qilib supurilgan, suvlar sepilgan emish. Anvoyi gullar chaman-chaman bo'lib ochilib, yon-atrofga xushbo'y ifor taratib turarmish. Ma'lum bo'lishicha, o'g'ilning marhum onasi tirikligida huquqni muhofaza qilish sohasida ishlagan bo'lib, bir paytlar tuhmatga

uchragan ayolni qamoqdan ozod qilgan ekan. U ayol esa qilingan yaxshilikni unutmay, har kuni o'z haloskorining mozorini ziyorat qilishni, nabiralari bilan qabrni orasta tutishni odatga aylantiribdi. Yozuvchimiz har kim o'z ota-onasini ertakda hikoya qilingan voqealar ta'sirisiz hurmat qilishi, e'zozlashi lozim, degan g'oyani ilgari suradi.

Shuningdek, Xudoyberdi bobo ertaklarida qilingan yaxshilikni esdan chiqarganlar qattiq jazolanadi. Jumladan, to'plamdagi «Bo'ri itdan o'ch olmoqchi bo'lgani», «Ko'mamaklik», «Yaxshilikka yomonlik tilagan ilonning jazosi», «Va'dasini bajarmagan Qulboy» kabi ertaklarda yaxshilikni unutkanlarning jazoga giriftor ekanligi hikoya qilinadi.

Xudoyberdi To'xtaboyev ertaklarining yana bir fazilati shundaki, ularda ahl yashashning foydasi ibratli voqealar asosida tasvirlanadi. Ba'zan sinfdoshlar o'rtasida turli kelishmovchiliklar, noxush voqealar bo'lib turadi. Adibning «Daraxtlar nega quriydi?», «Chaqimchi-yu g'iybatchini yer yutadi», «Farosatli bola» kabi ertaklarida odamlar o'rtasidagi nizo fojiga, do'stlik va oqibat xursandchilikka olib kelishi yoritilgan. Yodingizda bo'lsin, agar har birimiz ezgu niyatlar ila yashasak, orzularimiz sari dadil intilsak, maqsadlarimizga, albatta, yetamiz. Bu maqsad o'qishga, ilm olishga, biron kasb-hunarni egallashga, kimgadir yaxshilik qilishga qaratilgan bo'lishi mumkin.

Ba'zan istak va harakatlarimiz misli ko'rilmagan mo'jizalarga sabab bo'ladi. «Farosatli bola», «Enasiga shifo axtargan yigit», «Ayajonisining qoshiga o'sma qo'ygan qizaloq», «Nihol ekkani chol» kabi ertaklar ana shu haqda. O'zingiz o'ylang, 6 yashar bolakay ota-onasidan falokat tufayli ayrilib, buvisining qararnog'ida qoldi. Bu o'rinda yozuvchi o'zining boshidan kechirgan voqealarni yodga olayotgan bo'lishi haqiqatdan yiroq emas. E'tibor bering, avval ota vafot etdi, keyin ona ham olmandan o'tdi. Xudoyberdi To'xtaboyevning otasini ham o'sha davr tuzumi qattiq ta'qibga oladi. Ko'p o'tmay, bo'lajak yozuvchining padari, keyinchalik onasi vafot etadi. Bu voqealar ro'y bergan zamonda adib vabo kasalining tarqalishiga o'xshatgan.

Men Xudoyberdi boboning ertaklarini o'qib, rosa mazza qildim. Ulardagi rost gapirishning foydasidan tortib, yolg'onchilik, birovning haqiga xiyonat qilishning zararigacha, erkin hayotning afzalligidan tortib, adolatning fayzigacha aks etgan tafsilotlar Sizlarga ham ma'qul bo'ladi.

Aziz bolajonlar, sizga ham tavsiyam shuki, qo'lingizdagi kitobni javonga qo'ymay, mutolaa qiling. Avval bita-ikkita ertakni o'qib ko'ring. So'ngra, kechalari uxlamasdan o'qib chiqishingizga ishonaman.

**Omonulla MADAYEV,
adabiyotshunos**


Qadim-qadim zamonda, goh u tomonda, goh bu tomonda ajib-ajib voqealar sodir bo'lib turar ekan. O'sha zamonlarda hali giyohlar ham, daraxtlar ham, hayvon-u hasharotlar ham xuddi odamlarga o'xshab bir-biri bilan suhbatlashar, bir-biridan ko'ngil so'rab turishar ekan. Tartibni, intizomni yaxshi ko'rganlari uchun oralaridan goh u daraxtni, goh bu hayvonni o'zlariga rahbar etib saylashar ekan. Qiziq, yong'oqlarga Yong'oq bobo, o'riklarga O'rik xola, giloslarga Yaxshi ko'rgan ammam, deb nom berishar ekan. Ular bir-birlari bilan juda ahil, inoq ekanlar.

Bir kuni Yong'oq bobo oldiga larsillab O'rik xola kelibdi va yig'lab arzi hol qilibdi:

— Jon bobo, yordam bering, nihollarim, endigina ko'karayotgan bolalarim birin-ketin nobud bo'lmoqda. Bir-ikki oy ichida 300 farzandimdan ayirdim. Jon bobo, qutqaring. Yong'oq bobo uning bolalari suvsizlikdan o'layotgan bo'lsa kerak, degan xayolga borib, ariqda oqayotgan suvning bir qismini boqqa yo'naltiribdi. Yo'q, nihollarning nobud bo'lishi davom etaveribdi. O'rik xola yana yig'lab kelibdi. «Bolalarimdan ayrilib qolyapman!» deya zorlanibdi.

— Nihollarning quvvatsizlikdan, darmonsizlikdan nobud bo'lyapti. Ularga quvvat bo'ladigan narsalardan solgin, — debdi Yong'oq bobo. Yo'q, bu ham samara bermabdi. Nega bunday bo'layotgani jumboqligicha qolaveribdi.

**Xudoyberdi TO'XTABOYEV,
O'zbekiston xalq yozuvchisi**



DARAXTLAR NEGA QURIYDI?

O'sha zamonlarda xuddi bugungiga o'xshab bir-birlarining ovozi anjir yoki yong'oqning bargiga yozib oladigan ajoyib mitti hayvonchalar bor ekan. Ularning ba'zilarini sichqon, boshqalarini ko'rsichqon, kalamush deb atashar ekan. Bir kuni O'rik xolaning oldiga kalamush kelibdi:

— O'rik xola, nabiralaringizning nega nobud bo'layotganini manavi anjirning bargiga yozib olganman. Mening ajdodlarim rassom o'tgan, suratini ham chizib qo'yganman, — debdi-da, lip etib ko'zdan g'oyib bo'libdi. O'rik xola anjir bargiga yozilgan sehri ovozi asta-sekin tinglay

boshlabdi. Eshitsa, daraxtning eng tagida turgan tomir baland ovoza baqirayotgan emish.

— Hoy tana-shoxlar, barglar! Maqtanmang, hammang men tufayli yashayapsizlar, pastdan o'g'itni, suvni, quvvatni men olib jo'natayapman. Agar men bo'lmasam, hammangiz allaqachon nobud bo'lardingiz, — deb bir silkingan ekan, tomirlar qattiq ko'zg'alib qo'yibdi.

— Yo'q, — debdi daraxtning tanasi, — sen o'g'itni, suvni yiqqaning bilan mening tanam orqali o'tayapti. Agar men bo'lmaganimda, o'g'iting ham, suving ham bir pul. Bu yerda mana men xo'jayinman! — debdi.

Shunda tepadagi shoxlarning mayda shinchalari — barglar birdan chuvillab qolishibdi:

— Ey tanavoy, hoy tomirvoylar. Hadeb maqtanaveranglar. Agar biz quyoshdan nur, oydan yorug'lik, havodan shirin-shirin nafaslar olib, sizlarga jo'natib turmasak, allaqachon nobud bo'lardingiz. Bu yerda xo'jayin biz bo'lamiz, — debdi-da, ular ham bir silkinibdi.

Endi kalamushning anjir bargiga yozilgan xulosasini qarang:

«Qayerdagi manmanlik boshlansa, o'sha joyda bir-biriga dushmanlik boshlanadi. O'sha yerda daraxtlar ham, kalamushlar ham, sichqonlar ham, boringki, hamma narsa nobud bo'ladi. Bilib qo'yingki, bu gaplarni yozgan katta kalamush xolangiz bo'lamani!».

Qissadan hissa shuki, manmanlik boshlangan joyda, ahillik yo'qolgan joyda hamma narsa nobud bo'lar ekan.

Xurram RAYIMOV

OLAMGA CHIROY KELDI

Bu yil yangi yilimiz, Latofatga boy keldi. Nurga burkab jahonni, Yuzlari shirmoy keldi.

Osmon to'lib durlarga, Savatlarda qor keldi. Har bir uyga to'y keldi, Mehmon bo'lib oy keldi.

Dur qopladi zaminni, Qut-baraka, moy keldi. Qozon to'lib osh keldi, Qand-u asal, choy keldi.

Omad kuldi odamga, Gijinglagan toy keldi. Tinchlik keldi, baxt keldi, Olamga chiroy keldi.

MENING NURLI PARKENTIM

Dunyoda eng chiroyli, Tog'laringdir viqorli. Odamlaring baxt-yorli, Mening ajib Parkentim.

Sen yagona dunyoda, Husning erur ziyoda, Ham mehribon, ham sodda, Mening go'zal Parkentim.

Qayga bormay, albatta, Saqlayman seni yodda. Gullab-yashna hayotda, Mening nurlu Parkentim.

Jasur QUTBIDDINOV,
Toshkent viloyati, Parkent tumanidagi 10-umumta'lim maktabining 9-sinf o'quvchisi

OQ FASL



To'rt fasl almashib borar yil aro, Barcha fasllar chiroyli, go'yo. Ammo ular ichra go'zal, eng a'lo, Qish fasli biz uchun yog'dirar ziyo.

Bahorda gullar oq o'z bog'i bilan, Yozda meva pishar ardog'i bilan. Kuz ham bezanadi sariq rang bilan, Olam chiroyidir qish fasli bilan.

Qish bolalarga quvonch uyg'otar, Archalar yangi yil daragin berar. Yangi yil qo'shig'ini birga aytamiz, Kun bo'yi qor o'ynab, uyga qaytamiz.

Miraziz IZZATOV,
Toshkent shahar, Mirzo Ulug'bek tumanidagi 54-umumta'lim maktabining 6-«G» sinf o'quvchisi

YUKSAK MARRALAR SARI

2018-yil ta'lim sohasida fidokorona mehnat qilayotgan biz o'qituvchilar hayotida o'chmas iz qoldirdi. Yurtboshimiz o'z nutqlarida soha xodimlarini yuksak marralarni zabt etishga, yosh avlodni Vatana va xalq xizmatiga «Labbay» deb javob beradigan, sodiq farzandlar qilib tarbiyalashga undamoqda.

Ortda qolgan yilning so'nggi kunlarida Xo'jaobod tumanidagi 11-umumta'lim maktabida «O'quvchilarning Vatanga, ona xalqiga mehr-muhabbatini, sadoqatini orttirish» mavzusida viloyat seminari bo'lib o'tdi. Maktab o'qituvchilari tomonidan tashkil etilgan ochiq darslarda o'quv seminarining mazmun-mohiyati to'la-to'kis bayon etildi. Qolaversa, ustozlar mashg'ulotlarda har bir fanga oid ilg'or pedagogik uslublarni o'z o'mida qo'llab, o'quvchilarning erkin, mustaqil fikrlashlariga erishdilar.

Quvonarlisi, o'qituvchi va o'quvchilar birgalikda elektron darslik va ilovalardan, darsga oid slaydlardan umumiy foydalanishdi. O'quv seminari davomida 2019-yilda amalga oshirilishi zarur bo'lgan ishlar rejalashtirib olindi.

Nigoraxon ISAQOVA, Andijon viloyat XTB uslubiy xizmat ko'rsatish bo'limi metodisti, Ma'muraxon MAMATRAHIMOVA, Xo'jaobod XTB metodisti



MARDLIK VA JASORAT

Xabaringiz bor, 2018-yilning 15-dekabridan joriy yilning 15-yanvariga qadar respublikamiz bo'ylab «Harbiy vatanparvarlik oyligi» e'lon qilingan edi. Oylik doirasida yurtimiz ta'lim muassasalarida ma'naviy-ma'rifiy tadbirlar qizg'in nishonlanmoqda.

Toshkent viloyati Nurafshon shahridagi 10-umumta'lim maktabida ham «Mardlik va jasorat» mavzusida harbiylar bilan ochiq muloqot, davra suhbatlari va «Vatan muqaddas, uni himoya qilish sharafli burchdir» shiori ostida tadbirlar bo'lib o'tdi.

Yaqinda maktabga tumandagi harbiy bo'linma xizmatchilari tashrif buyurib, 10–11-sinf o'quvchilari bilan davra suhbatini o'tkazishdi. Shuningdek, ta'lim maskanida Nurafshon shahar mudofaa bo'limi va shahar Milliy gvardiya harbiy bo'linmasi vakillari mehmon bo'ldi. Uchrashuvda «Vatanparvarlik nima?», «Vatanparvar inson qanday bo'lish kerak?» kabi savollarga o'quvchilar batafsil javob oldi. Shuningdek, yuqori sinf o'quvchilari Chaqiriqqacha yoshlarni tayyorgarlik darslarida olgan bilim va ko'nikmalarini namoyish qilib, mehmonlarni xushnud etdi.

Tadбир so'ngida Milliy gvardiya xizmatchilari tomonidan namoyish etilgan harbiy chiqishlar o'quvchilarda katta taassurot qoldirdi.

Nurbek QIDIRALIYEV



POYTAXTLIK GANDBOLCHILAR G'OLIB

Yaqinda poytaxtimizda o'smirlar o'rtasida qo'l to'pi bo'yicha musobaqa bo'lib o'tdi. Turnirda 2004–2005-yilda tug'ilgan o'smirlardan iborat Toshkent terma jamoasi 1-o'rinni egalladi.



Yakkasaroylik sportchilardan Jaloliddin, Shahobiddin, Fayruzbek va Akmaljon Almanov, Yashnobod tumanidan Hasan va Husan hamda bektemirlik Shohruhlardan iborat jamoa birinchi o'yinda Toshkent-2 jamoasini 49:10 hisobda mag'lub etdi. Ikkinchi bahsda jizzaxlik gandbolchilarni 28:16, uchinchi o'yinda esa namanganlik raqiblarni 26:12 hisobda yengdi.

Chorak finalda Nukus termasidan ustun kelgan jamoa finalda sirdaryolik tengdoshlarini ham taslim etib, g'oliblikni qo'lga kiritdi. 2-o'rin Sirdaryo sportchilariga, 3-o'rin Nukus va Namangan jamoalariga nasib etdi.

Shu kunlarda Toshkent o'smirlar terma jamoasi fevral oyida Jizzax shahrida bo'lib o'tadigan mamlakat chempionatiga qizg'in tayyorgarlik ko'rmoqda.

Muhammadsodiq ALIMOV

QIZIQARLI SAVOLLAR:



Nima uchun muz suvda cho'kmaydi?

Boshi olovda, oyog'i suvda?

Nima uchun «Qizil kitob» qizil rangda?

Dunyodagi eng uzun daraxtning bo'yi 155 m, u qaysi daraxt?

Ucha olmaydigan qushning nomi?

Yer yuzida yashab kelayotgan eng qadimgi hayvon qaysi?

Timsohlar suvga chuqurroq sho'ng'ishi uchun nima qilishadi?

Yerning qutblarida to'plangan muzlardan sinib, ko'chib yuradigan ulkan muz tog'lari nima deyiladi?

Gulzoda MUHIDDINOVA,
poytaxtimizning Olmazor tumanidagi
261-umumta'lim maktabining biologiya fani o'qituvchisi

Pazanda qizga!



QIZIL LOVIYALI SALAT

Salom, aziz dugonajonlar!
Yangi yil bayramini yaxshi
kutib oldingizmi? O'ylaymizki, bizning
tavsiyalarimiz tufayli dasturxoningiz ko'rkiga
ko'rk qo'shilib bormoqda. Bugun sizlarga
tavsiya qiladigan salatimiz vitaminlarga
boy va mazali. Qani, tayyormisiz? Unda,

boshladik:

Buning

uchun biz-

ga: 0,5 kilo-
gramm tovuq
filesi, 1 dona o'rtacha
kattalikdagi bodring,
200 gramm pishirilgan
qizil loviya, 200 gramm
to'g'ralgan qizil sabzi (tayyorini
olsangiz ham bo'ladi), 1 quti qotgan non, yarim bog' shivit,
yarim bog' ko'kpiyoz, 150 gramm mayonez kerak bo'ladi.

Tayyorlanishi: tovuq filesini tuzli suvda pishiramiz. Uni
somoncha shaklida to'g'rab, chuqurroq idishga solamiz.
Qaynatib pishirilgan loviyani go'sht bilan aralashtiramiz.
So'ngra, qolgan masalliqni somoncha shaklida to'g'rab,
tovuq go'shti ustiga solamiz. Ish oxirida barcha masalliqlar-
ga mayonez va mayda to'g'ralgan ko'katlarni qo'shib,
yaxshilab aralashtiramiz. Salatni dasturxonga tortishdan
oldin qotirilgan non bo'laklarini soling. Aks holda u mayonez
bilan aralashib, ko'rib qolishi mumkin.

Yoqimli ishtaha!



NARGIZA tayyorladi

BO'SH O'TIRMAI, BOSH QOTIR!

«KUMUSH FASL» TOPQIRLIK MASHQLARI

KROSSVORD «Zanjir»
holida: 1. Qish faslida turli
sabzavot va rezavor ekinlar
yetishtiriladigan maskan. 2.
Qishda uyquga ketadigan
o'rmon yirtqichi. 3. Qish-
ning kuchli sovuq davri. 4.
Qishga saqlanadigan ho'l
meva. 5. Yaxmalakda uchish
moslamasi. 9. Shaybali

sport o'yini. 10. Deyarli qor
yog'maydigan, poytaxti Sano
shahri hisoblanuvchi tropik
mamlakat. 11. Qishda g'aroyib
ko'rinishdagi muzlar hosil
bo'lib, sayyohlarni hayratga
soluvchi dunyoning eng go'zal
sharsharasi. 12. Gullamay
meva tuguvchi daraxt.

Bo'yiga: 6. Suvning qattiq

holati. 7. Yilning qirq kunlik
davri. 8. Deyarli qorlar yog'ib
qish bo'lmaydigan qit'a. 13.
Yilning eng uzoq tuni va eng
qisqa kuniga berilgan nom. 14.
Qish faslida tavallud
topgan atoqli o'zbek adibi,
akademik. 15. Qishki bosh
kiyim. 16. Asosan qishda
iste'mol qilinadigan yaxna

yegulik.

Eniga: 14. Qishki olim-
piada o'yinlari bo'lib o'tgan
Yevropadagi poytaxt shahar.

KRIPTOGRAMMA Kalit

so'zlar: 1. Rossiya Federatsiyasidagi so'nggi qish-
ki olimpiada o'yinlari bo'lib
o'tgan shahar – 18, 9, 6, 1.
2. Rus adibi N.A. Nekra-

sovning qish fasliga atab
yozgan asari – 2, 20, 2, 16,
2, 17, 1, 10.

3. Qorboboning nabirasi
– 21, 9, 4, 21, 1, 10.

4. Sutka qismi – 7, 5, 12.

5. Qishda uyquga keta-
digan daraxt shoxida ya-
shovchi baroq dumli o'rmon
kemiruvchisi – 9, 8, 16, 2,
19, 9, 12.


6. Tog'dan maxsus jihozlan-
gan trassa – qiya burilishlari
bo'lgan muzlama novdan
shiddat bilan tushishga
mo'ljallangan, yaxlit metall-
dan yasalgan chana – 3, 9,
3, 18, 8, 14, 20.

7. Yer sharining qishda iqli-
mi sovuq bo'ladigan nisbatan
baland hududi – 13, 9, 15.

8. Milliy ustki libos – 13,
11, 12.

Avval kalit so'zlar orqali
shakl atrofidagi raqamlarda
yashiringan kriptogrammani
hal eting. Bunda ulardan
to'rt misrali topishmoq
ayon bo'ladi. Endi ana
shu topishmoq javobini
toping-chil!

Tuzuvchi: Foziljon ORIPOV



8

7-yanvar 2019

Tong yulduzi

Muassis:

O'zbekiston Respublikasi
Xalq ta'limi vazirligi

Bosh muharrir
Feruz AADILOVA

Gazeta O'zbekiston
Matbuot va axborot
agentligida
0208-raqam bilan 2007-yil
2-fevralda ro'yxatdan
o'tgan.

TAHRIR HAYATI:
Qahramon QURONBOYEV,
Dilshod KENJAYEV,
Murtazo SULTONOV,
Feruz JALILOVA,
Ashurali JO'RAYEV
(Bosh muharrir o'rinbosari),
Feruz MATYOQUBOV
(mas'ul kotib)

Navbatchi muharrir
Sayyora QODIROVA

Rassom
Feruzbek KAMOL o'g'li
Sahifalovchi-dizayner
Shaxobiddin
MAXMADIYEV

«O'zbekiston» NMIU bosma-
xonasida chop etildi.
Gazetaning poligrafik jihatdan sifatlil
chop etilishiga bosmaxona mas'ul.
Manzilimiz va bosmaxona manzili:
Toshkent shahri, Navoiy ko'chasi,
30-uy. Indeks: 100011.
Obuna indeksi: 198.
e-mail: info@tongyulduzi.uz
www.tongyulduzi.uz
Adadi – 13 066
Buyurtma – V 3018

Tahririyatga kelgan barcha
qo'lyozmalar tahrir qilinadi,
mualliflarga qaytarilmaydi.
Gazetaning yetkazib berilishi
uchun obunani rasmiylashtirgan
tashkilot javobgar.
Shakli A-3, 2 bosma taqob.
Bahosi kelishilgan narxda.
Gazeta haftaning dushanba kuni
chop etiladi.
Topshirish vaqti – 18:00
Topshirildi – 18:00
Tel./faks: (99871) 244-63-08